

## Paqarichiy

Hatun yachaywasim tukuyniraq yachaykuna mirarichiq, musuq yachaykuna paqarichiqima, yachaywasi ukukunapim, kunaqa internetnintawanña, yachay qatipačkuna huñunakunku, yachachičkuna, yachačkuna, hamuq watakunapi musuq profesional nisqakunapas, kay tiqsimuyumanta hamuntaykunankupaq hinaspa allin kawsayta aypanapaq tiqsimuyu imayna musuqyasqanmanhina.

Kaypim ciencia nisqa runakunapa makinpi churakun, ichaqa, tukuy willakučkunam aypachikunkuchu hatun yachačkunapa yachayninta riqsichinankupaq, ciencia nisqapi yachapaq runakunapa allinninpaq kačkunata, paykunam upallalla hatun yachaykunata paqarichinku, pachamamata riqsipachkanku, puririyinta amachaynintaima; chayhinallataq Ilaqta imayna puririsqanta, qullqipap imayna llamkachisqa kasqanmanta; kay tinkinasqa llamkaykunam Ilaqtakuna huñunasqa kanankupaq, tecnología nisqawan hinallataq qullqi mirarichiykipas tinkunakunankupaq, ichaqa rakinasqaraq kanku, karunchasqaima.

Chayraykum, Le Cordon Bleu hatun yachaywasipi kay riwistata paqarichimuchkayku, ciencia nisqamanta hinallataq hatun yachaykunamanta riqsipachinaykupaq. **Hedypatheia** sutiwanmi paqarichichkayku, kay sutiqa “allin mikuy” ninanmi, kay sutillawantaqmi Iliw tiqsimuyupi chayllaraq paqarirachirqaku huk ñawinchanata, ñawpa pachakunapiraq kawsakuq Arquéstrato qillqarqurqa, paymi tukuy rikusqanta qillqakunapi riqsichirqa, harawitahina qillqaspan, Mediterráneo nisqapim aswanraq runakuna ñawincharqaku, miski mikuykunamanta qillasqa kasqanrayku, chaynam karqa Cristo Jesús paqarisqanpa tawa waranqa ñawpariqnin watakunapiraq.

**Hedypatheia** runakunapa hatun kaq hamutayninkunamanta riqsichin, tiqsimuyupi rikusqa kačkunamanta, musuq kawsaykuna taripanamanta hinallataq ñawpa pachamantaraq Ilaqtapa yachayninkunata kallpanchan hinaspapas pachamamapa sumaqlaña kayninkunamanta, Ilaqtakunapi tukuyniraq kawsaykunamantawan.

Hinallataqmi **Hedypatheia**, runakunapa musuq ruwayninkunamantawan riqsichin, kunan pachapi sasachakuykunata qatipasqankuwan imayna allinchaysichikusqankumanta, tiqimuyupi llakikuykunata tikrachispanku runamasinkuta amachaysisqankumanta, mikunapaq kawsaykunata yaku upyanakunata qatipaysisqankumantaima, chaymanhinallam hamuq warmakuna, imayna yachapasqankumanhina, ciencia chaymantapas tecnología llamkaykunata tiqsimuyupa allinninpaq llamkachinanku.

Kay qallariy kaq riwistapim, aswanraq riqsipaykusun Eric Mazur yachachiqmanta, Harvard hatun yachaywasipi imayna yachachisqanmanta, kuskamantam qawapaykusun qaliyachikuq kaq kawsaykunamanta Ilaqta ukupi runakuna hawkalla kawsanankupaq, Alejandro Narváez yachachiqñataqmi riqsichimuwasun imanasqas Perú suyupi hinallataq América Latina suyukunapiwan runamasintin rakinakunku, imaynanpi wakcha kay kanman, chaynallataq imaynanpi yarqay kallpanchakusqanmanta.

Chaymantapas riqsipaykusun Parque Nacional Alto Purús nisqamanta, chayqa kachkan Perú suyupa Amazonas Ilaqtakunapa chawpinpim, hinaspapas watukaykusun América del Sur suyukunapa andino Ilaqtankunata, chaypim qatpaykusun Nación Chopcca sutiwan riqsisqa ayllukunata, Huancavelica Ilaqtapi, Ilaqtayukunam ñawpaq taytamamankunapa yachayninkutaraq kawsaqlata puririchichkanku.

Hampuykakamuychik **Hedypatheia** ñawinchanaman, munaynikichikpaq kayllantam suyayku, kaymanta qipamanqa ichapas tukuy willakuykuna riqsipanaykichikpaqña yanapakunman, kay tiqsimuyu puririsqanmanhinalla. Riqsikusqaykikum internet nisqapi mirariysiykachiwaptikikuqa.

Sunquykumantapacha,

**Paqarichiqkuna.**